

### Orar dles S. Mësses a Oies da sègn inant:

dal mertesc ala jöbia dales 20:00 y dal vëndres ala domènia dales 16:00.

**Pelegrijaie:** l'Uniun por vèdui/es y porsones sores invièia da jí en jöbia ai 19 de ma a Balsan ala Porta Santa, dedò mëssa cun siur degan y spo a Kaltern a marèna. An pèia ia da Pedraces dales 07:30 y l'prisc dla coriera, marèna y picera marèna é de 50 €. Da se prenoté cina en jöbia ai 12 de ma pro Monica al nr. 0474/590069.

**Pelegrijaie:** le Raiun dl KVV da Bornech invièia vèdui, vèdues y porsones sores en Lönesc de Pasca de Ma al pelegrijaie a **Götzens** dlungia Desproch. An pèia ia da S.Laurènz dales 08:45. Le iade y la marèna costa 34€. Prenotesse cina ai 12 de ma pro le KVV da Bornech al nr. 0474/411149 o al nr. 0471/839760.

**“Bezirkswallfahrt dles Patrones”** ai 12 de ma ite en Antholz a vijité la dljia de S.Valburga. An se abina dales 13:30 a Bad Salomon. Al sará na prozesciun de ca. 30 menüc. Se prenoté pro la surastanta dla Uniun dles Patrones de paisc anter i 9 de ma.

**Domisdé de ritiro a Oies:** en domènia, ai 22 de ma a Oies dales 15.00 ales 17.00 é n domisdé cun adoraziun eucaristica, S. Mëssa, poscibilitè da se confessé y benedisciun cun Br. Gabriel Hüger. Düc é dër bel inviá.



En mertesc, ai 03.05.2016 á complí **Florian Valentini** da S.Linert **86** agn y en mercui, ai 04.05.2016 **Tarina Anvidalfarei Bertoldi** da S.Linert **87** agn. L'Seniorenclub y düta la Comunité ti aoda düc l'bun, sanité y benedisciun de Dî.

**Referat:** “Pubertät – der ganz normale Wahnsinn” ai 11.05.2016 dales 20:00 te Ciasa Runcher cun la soziologa Christa Ladurner. Al organisèia l'Consèi de Formaziun dl Comun de Badia.

**La biblioteca Sas dla Crusc** invièia a La Ila in lünesc ai 9 de ma dales 15:00 a “l'ora dles stories”, lí dant a mituns y mitans dai 6 cina 10 agn.

**Camper dl Zenter Consumadusc:** a La Ila sön Plaza dla Ciasa de Cultura en vëndres ai 13 de ma, dales 9:30 – 11:30.


**Udiènza dla defensuria zivica** en vëndres ai 13 de ma ( 14:30 – 16:00) a S.Martin te Ciasa de Comun. Informaziuns al nr. tel 0471 301155.

♥ *Giulan y diit l'bun a nostes umes* ♥

Impressum: Ploania Badia, redaziun Cristina Frena

Comunicaziuns cina jöbia sèra a [parrocchiabadia@libero.it](mailto:parrocchiabadia@libero.it) o [frencriis@alice.it](mailto:frencriis@alice.it)

Download plata: [www.valbadiaonline.it/comunite/ploanies/ploanies/ploania-badia.html](http://www.valbadiaonline.it/comunite/ploanies/ploanies/ploania-badia.html)



# Plata dla Ploania Badia

San Iaco - San Linert

Ploan: Siur Iaco Wendelin Willeit  
Calonia Badia: 0471/839571  
E-Mail: [parrocchiabadia@libero.it](mailto:parrocchiabadia@libero.it)  
Radio dla Ploania: 91,10 Mhz

UNITÉ PASTORALA



[www.unitepastorala.org](http://www.unitepastorala.org)

Ann C

08.05. - 15.05.2016

Festa dl'Assènza

n. 24



**Assènza dl Signur**

## Prüma Santa Comuniun

**Vangele dla domènia che vègn - Festa Pasca de Ma** Jan 14,15-16.23-26

Insciö dij le Signur: Sc'i m'orèis bun, se tignarèise a mi comandamènc. I periará le Pere, y al ves dará n ater paraclèt, por ch'al restes pro os por dagnora.

Sce un m'ó bun, se tignarál a mia parora; mi Pere ti orará bun y nos gnarun da d'èl y abitarun pro d'èl. Chèl che ne m'ó nia bun, ne se tègn nia a mia parora. Y la parora che os aldís, ne vègn nia da me, mo dal Pere, che m'á mené. Chèsc ves ái dit, ciamó tratan ch'i sun pro os. Le paraclèt, le Spirit Sant, che le Pere menará te mi inom, chèl ves insignará döt y ves recordará döt ci ch'i ves á dit.



# FUNZIUNS SACRES

## 08.05. Festa dl'ASSENZA – PRÜMA COMUNIUN – De dla Uma

- 09.45 dan Calonia: Salüt y ingrés te dlijia di neocomunicanc  
10.00 Mëssa cun i mituns dla 1<sup>a</sup> Comuniun y families  
17.30 *Corona por la defunta Teodora Boschetti*  
18.00 †ta Teodora Boschetti - otavare  
†to Paul Ploner  
†to Artur Conrater  
†to Manfred Moling en onur de S.Ujöp da Oies

## 09.05. Lünesc

- 19.30 *Devoziun de ma cun l' grup Volontariat y abelida dal "terzet"*

## 10.05. Mertesc

- 19.30 †to Gottfried Costa - aniversar  
vis y †ti de Maria Pitscheider da Reslada  
por fam. Irmgard Vittur Winkler

## 11.05. Mercui – Mëssa cun i scolars

- 07.30 †ti Giuseppe y Caterina Piccolruaz  
†ti Marianna y Franz Piccolruaz  
en onur de S.Ujöp da Oies por la sconanza dla natüra

## 12.05. Jöbia - Mëssa abelida dai Crejimá dl ultimo ann

- 19.30 por i crejimá di ultimi 10 agn  
†to Davide Valentin  
por fam. Erica Canins

## 13.05. Vëndres – S.Maria da Fatima

- 07.30 por fam. Paul y Emma Irsara  
por fam. Paul y Rosina Dapunt  
por le les püres animes

## 14.05. Sabeda

- 16.00 Mëssa a Oies  
19.30 *Devoziun de ma (arjignada ca da "Legio Mariae")*

## 15.05. Festa de PASCA de MA

- 08.00 **Esposiziun dl Santiscimo**  
*Scomënciamënt dles ores de adoraziun*  
10.00 Mëssa solena en onur dl Spirit Sant  
15.00 Ora de adoraziun por düc  
18.00 †to Stefo Irsara - aniversar  
†to Erich Canins – aniv. y †ti Rottonara  
por fam. Lois y Annamaria Valentin en reingraziamënt



# Dala VITA dla CÜRA

## PASCA de MA 2016

### Ores de adoraziun

- 08 – 09 Pedraces – Sompunt – Paracia – Ciaminades – Damez  
09 – 10 Fisti – Larcenëi - Craciurara – Reslada – Castalta – Adan -  
Pescolderunch – Peslalz – Pescol – Crafunara – Val  
**10** **Mëssa Grana**  
11 – 12 San Linert  
**15** **Ora de adoraziun por düc**  
16 – 17 Ruac – Alfarëi – Pransarores – Rainé – Cianacëi – Oies –  
Frëinademez – Anví – Sotrú – Jusciara – Runch – Parüs –  
Puntac – Sotgherdëna  
17 – 18 Costa – Corcela – Sotciastel – Grones – Piz – Valgiarëi –  
Col d'Anví – Andrac – Cialaruns  
**Conclujiun y benedisciun**  
**18** **S. Mëssa**

**Na picia Novena al Spirit Sant:** da chësta sabeda ala Festa de Pasca de Ma, orunse vigni de fá na **picia invocaziun al Spirit Sant** tles liturgies, funziuns y S.Mësses, y ince vignun personalmënter.

*siur degan*



La proscima Preparaziun al Bato sará en sabeda ai 14.05.2016 dales 15:00 a La Plí tl salf dles uniuns. Düc i geniturs che á na picera creatüra da batié é inviá a tó pert y se prenoté al nr. 328 0717796.

**Crejimá:** la mëssa dl aniversar dla Crejima 2015 vëgn festejada en jöbia, ai 12 de ma dales 19:30 adüm cun i crejimá da La Ila y S.Ciascian. Chi de Badia é inviá da gni te dlijia dales 19:10 por na proa da cianté.

**Crejima 2017:** en mertesc, ai 17 de ma dales 20:00 sarál te Ciasa di Ministranc na sëra cun i geniturs di mituns che vá l'ater ann a confermé.

**Prozesciun da Porsenú a Neustift cun santa mëssa:** l'Uniun Ëi Val Badia inviëia düc i ëi y jogn a tó pert cun linternes o ciandëres (da se tó para) en vëndres ai 13 de ma. An pëia ia da Porsenú/Parkplatz Aquarena dales 21:00. Al sará na coriera che pëia ia dales 19:05 da Pedraces. Düc i interessá dess se anunzié pro l'surastant dl paisc o pro Salvester Vittur (cell. 333 7247516) cina en jöbia, ai 12 de ma 2016.

*Siur Degan sará demez chëst'edema y gnará sostitui da siur Gustl che stá te calonia a La Ila*